

# Toe Mamā

**Saunia e Dawn Nelson**  
(E faavae i se tala moni)

*O lenei tala sa tupu i le ISA.*

Sa tu Emily i totonu o le vai faatasi ma Tama ma ataata. Sa faatalitali o ia mo lenei aso mo ni vaiaso! Sa tata lona fatu ona sa le'i alu muamua lava o ia i lalo o le vai. Ae sa fiafia lava o ia e papatiso e pei ona faia e Iesu Keriso.

Sa moeiini ona mata ma faalogologo atu ia Tama o fai le tatalo o le papatisoga. Ona ia polokaina lea o lona isu, moeiini ona mata, ma gagau ona tulivae a o faamagoto o ia e Tama i totonu o le vai.

Sa vave ona toso a'e o ia i luga e Tama, ma sa alu ese le vai mai ia te ia. Sa tau soloiesea e Emily mai ona mata, ae sa ataata o ia. Sa ese ona lagona i le taimi nei. Sa faatumulia o ia i se lagona fou ma fiafia. Sa manao o ia ia lagonaina pea lava pea!

Sa tuu atu e Tamā ia te ia se opo lapo'a. *Ou te iloa le auala e faatumauina ai lenei lagona lelei, sa mafaufau ai Emily. Pau le mea ou te faia o le filifili o le mea sa'o ma ia faapei o Iesu Keriso! Sa ia lagonaina le maunonoa e mafai ona ia faia.*

Ina ua latou taunuu i le fale, sa tamoe atu Emily mai le taavale i le faitotoa i luma. Sa faapena foi lona tuagane e fa tausaga, o Jonah. E taunuu atu loa Emily i le faitotoa ma amata ona tatala, ae uu mai e Jonah lona sakete ma toe toso mai i tua—ma le malosi.

"Aua!" Sa ee atu Emily. Sa ia toso ese lona sakete mai ona lima. Ona ia polokaina lea o lona ala ina ia le mafai ona ia alu muamua i totonu. Sa ia lagonaina le ita tele!



Sa le mafai foi ona ou filifilia le mea sa'o mo le aso e tasi!  
*Sa mafaufau ai Emily.*



Sa faafuasei ona faamalo o ia. Sa faatumulia o ia i se lagona le lelei. Sa ia laa ese mai le ala ma tuu atu Jonah e tamoe i totonu.

"Faamalie atu!" sa ia valaau atu ai ia te ia. Faatoa uma lava ona ia faia se filifiliga sese. E le ono ee atu le Faola ia Jonah. Na mafai faapefea ona vave ona ia sasi? Ua mou atu lona lagona fiafia fou.

*Ua ou faaleagaina, sa ia mafaufau ai. Sa le mafai foi ona ou filifilia le mea sa'o mo sina aso e tasi!*

O le aso na sosoo ai o le Aso Sa. A o sauni Emily mo le lotu, sa ia mafaufau i lona ia ee atu ia Jonah. Sa le lelei pea ona lagona.

I le taimi o le sauniga faamanatuga, sa talosaga atu ai le epikopo ia Emily e sau i luma. O le a faamuina o ia. O lona uiga o le a ia maua le mealofa o le Agaga Paia. Ona ia saofai lea i lalo o se nofoa. Sa tuu lemu e Tama ona lima i luga o lona ulu.

Sa moeiini mata o Emily ina ua amata Tama. Sa ia faalogo o ia fai mai upu, "Talia le Agaga Paia." Sa faalogo pea Emily.

"Emily, ia manatua pea ona o Iesu Keriso, e mafai ai ona e salamo pe a e faia se filifiliga sese," o le tala lea a Tama. "O taimi uma lava e te tagofia ai le faamanatuga, e mafai ona e mafaufau i le feagaiga na e osia ina ua e papatiso. E mafai ona e toe folafola atu e mulimuli ia te Ia."

A o faamae'aina e Tama le faamanuiaga, sa lagona e Emily le fiafia ma le toafilemu. Sa ia iloa o loo ta'u atu e le Agaga Paia ia te ia o le a lelei mea uma. Sa le afaina lona le atoatoa. Ona o Iesu Keriso ma Lana Togiola, ua mafai ai ona salamo o ia ma faamagaloina! Sa faanoanoa o ia ona sa ee atu o ia ia Jonah, ma sa silafia e le Tama Faalelagi o le a ia taumafai pea.

Sa ataata Emily a o la toe savavali atu ma Tama i o la'ua nofoaga. Sa sosoo ai ma le faamanatuga, ma sa tulimatai atu i ai Emily. ●



"Pe a tatou amata faagasolo i luga o le ala o feagaiga e ala i le papatisoga, e mafai ona ou vaai faalemaufau i le Tama Faalelagi o tulei mai i se mea foi faapena ia i tatou taitoatasi: 'O oe o lo'u atalii/afafine pele ua ou fiafia i ai. Ia faaauu pea.'"

Dale G. Renlund, "Mauina o le Mana o le Atua e ala i Feagaiga," *Liahona*, Me 2023, 36.